

11340.37
134
2

卷之一

星野

沿革表附

卷之一

疆域廂里墟
市附

山川

梧州府志



同治癸酉重鑄

梧州府志

板存鳳臺書院

梧州府志序



蒼梧自義井宅南交載在二
典禹貢為荊州南境秦屬桂
林西漢乃置蒼梧郡東漢曰
縣唐宋稱梧州迨明始設梧
州府領一州九縣我

朝雍正三年分鬱林為直隸州以
博白北流陸川興業屬焉而
梧存邑五居東西粵之交為
要津余三奉

詔命總制百粵十餘年中數按部
其地見夫山谷幽邃川流滌洞

而民俗簡樸古風未墜顧
去野就質秀民亦時出其
詩書之澤以奉禮教乃知
聖天子文德涵濡化成久道固使嶺
外遐陬無不悉有進於古
而足以抗衡上郡也太守吳

序

二

君九齡因郡乘漫漶散佚
垂念文獻自公之暇與前史
丞鳴舉誨求搜採易三寒
暑書成適

簡畀廣州監司亟其書請余一言
弁簡端余惟周禮地官誦

訓掌方志以昭觀事以知地
俗是以小史外史特詳於周
官此志之所由昉也若夫志
之有圖又自宋敏求長安志
始夫欲知郡縣廣輪之數晰
其離合莫圖若矣矧梧自

雍正三年改隸更革迄今垂
四十餘稔典章制度一秉


睿謨而按諸圖籍未越疇曩名
實已非考稽胡據將使後
之人嘆郡事之闕佚當必有
任其咎者大凡今之爲郡勅以

簿書期會為官守政之為維
日不足新置身於無過之地
斯已耳而於碩名思義曰知
府問其郡邑廣輪離合有
茫然不知爾矣尚何有於扼
塞險要水利農功民風物產

與夫賢才之生孝弟之行哉
吳君知有後日之文獻則知
不昧於今日之周知也已予嘗
為大司徒實總職方司險且
又忝制軍兩粵梧為旌幢往
來地樂其志之成也因書以

告後之守土者

太子太保兵部尚書兩廣總督昭
信伯遼陽李侍堯撰



梧州府志序

輿地之志原本禹貢而嶠南
地里則先見於堯典申命義
叔宅南交蒼梧即古交州然
則放勳光被四表日永星火
之墟梧其南訛平秩之尤著

序

一

六

者歟厥後秦漢游徼之吏所
謂東南一尉亦莫不扼梧以
為五管之橐鑰蓋其地錯壤
邕桂水陸四衝宦斯土者非
熟悉其星野疆域氣候土物
之宜與陰陽軍屯文獻之蹟

則拊循防禦未易張弛而得其要領也庚寅春予奉

命出撫東粵稽覽封圻滇黔衡岳
控引西陲蹇政通焉牂牁流
衍之境未嘗不時縈寤寐况
格又輔車相依者哉會渾齋

序

二

吳君以梧州太守擢任監司
東粵糧驛謁見之頃接其言
論丰采已信敬慎威儀維民
之則矣及受事匝月於公移
簿領中覘所建白則益信其
練習吏治寔有裨於國計民

生而非徒粉飾以邀取虛譽也太守親民其咻噢格人久矣因詢以格事則歷舉星野疆域戶口賦役軍屯文獻之蹟娓娓言之不倦而又旁及都峒勾漏鬱潯山水之勝七

序

三

山五屯獯猺韎韐跗注之情狀遂出所撰梧州志二十卷徵序付梓余惟郡邑有志即周禮外史四方之掌漢魏則附見於史唐元和郡國志及宋圖經皆按地編輯朱文公

大賢治郡所至率先取圖經
况後之從政者乎余循覽是
編文贍而事核綱舉而目張
凡所記載均有閩治法以備
軒輜之採洵與史例相表裏
吾聞梧郡舊志漫滅殘軼垂

序

四

九

數十年今一旦哀然成帙使
覽者於馬伏波飛鳶跼蹐墜
水之地徵文考獻以觀

聖朝文治光華之所被亦可謂當
務之急而吳君之所以自起
家為令至於太守俱循聲卓

卓圖治而得其要領也故西
粵治郡報寂即邀

恩命晉秩觀察又莞庾籍以字吾
東粵之民豈但不佞藉指臂
之助哉因弁數語以授劇氏

乾隆三十五年歲次庚寅律

序

五

中林鍾之吉

巡撫東粵使者白山德保拜撰



重修梧州府志序

梧州粵西一大都會也居
五嶺之中開八桂之戶三
江襟帶衆水灣環百粵咽
喉通衢四達間氣凝結人
物繁興形勝實甲於他郡

序

庚寅春余奉

簡命晉擢粵西下車伊始適觀
察吳君將之任粵東郵呈
其蒞任梧守時重輯梧州
府志彙成一編乞余一言
以弁其簡端余按梧志創

脩於前明謝守續修於
康熙廿六年陳守距今歷
八十餘年檢閱舊志半多
凋殘剝蝕考古按今缺憾
良多夫郡邑之志雖僅一
隅而其間疆域之廣狹田

序

二

士

賦之增減風俗之淳澆人
文之盛衰以及學校城垣
建置異宜軍營糧餉今昔
殊勢欲期垂諸永久昭示
將來使夫因革損益之大
條不縷晰之細簡而能該

有體有要詳而曲盡不寡
不支自非博稽載籍旁求
時事正其舛謬定其指歸
其能萃四方之文獻成一
郡之志乘哉方今

國家重熙累洽仁漸義摩薄

序

三

十三

海內外一道同風職方紀
載率土皆統矧梧郡為粵
西要地可無成書以備採
擇乎今觀察吳君率其僚
屬暨郡邑人士不憚搜羅
精於讎校缺者補之繁者

刪之各門別類釐爲二十四卷閱兩載而始成因憶余幼時隨侍

先文肅公之任粵東制府道經蒼梧翹望都嶠之間俯臨桂江之側緬維往迹

序

四

古

慨然有懷茲攬梧郡全志想像舊遊宛然在目不禁狂喜移時一再流覽而不能已時公餘稍暇輒爲援筆叙之如此

乾隆三十五年孟夏之月

廣西巡撫陳輝祖撰



序

五

十